

An Chon Fitinong Pung me pwan Met Repwe Fofori Kena non an Iowa Women, Infants, and Children (WIC) Program

Ai Pung kena ren emon Chon Fitinong non WIC:

- Ekkewe annuk ren tonong won WIC ra kan weweno chok ren meinisin ese nifinifin ren sakkun aramas, anuwer, fonu ra etto me ie, ierir, terir, ika met ir emon.
- Ewe popun ren WIC a kan ren an epwe awor poraus usun mongoechoch, atutun menukon me pwan mongon apechakun kena me pwan ren an epwe uweleinong non koko ngeni ekkena pwan ekkoch angangen aninis in pechakun ika nenien nonom kena upwene kan mochen. Ran kan aapechakuna ngeniei ai upwe fitinong non ekkei angangen aninis.
- Noun WIC kena chon angangen pechakun repwene chiechi fengen fitiei ren ach sipwene forata atotonon mongoechoch kena ren ar repwe anisi ew menauwen aapechakuneno.
- Ika pwe ngang upwene mwokutuno ngeni pwan ew state, iwe upwene ereni WIC me pwan ir repwene ngeniei taropwen amweteno kena ren ai upwe uweir fitiei pwe ina ai angangen aninis in WIC kena repwene tongeni sopwesopweno ikewe.
- Ngang uwa tongeni eis ren ew Fichin Arongorong ika pwe ewe chon angangen WIC ra erenie pwe use tongeni ai upwen nom non WIC me pwan ngang use tipeew ngeni. Upwene angei 60 ran seni ai angei ewe taropwe usun ai use nafeno ren ai upwe maak ika kori ai we ofesin WIC non neniei me pwan tungor ew.

Met upwe fofori kena ren emon Chon Fitinong non WIC:

- Fitinongan non nap seni ew WIC Program (non state ika me nukun state) a kan atai annuk me pwan epwene punguno non ai katowow seni ewe program.
- Ngang upwene mut ngeni ew an WIC skrinin pechakun ren meinisin chon fitinong non WIC kena non ai family. An WIC skrinin pechakun a pachenong ponuwenin kapaseisin pechakun me pwan amongo kena, me pwan awukukun tamei, chowii me pwan skrinin chaa ren anemia. Ei a kan anisi WIC ren an epwe awora aninis kena ina ra kan ponu ngeni mochenin ai family kena.
- Ngang upwene etto ngeni ai appointment kena ika koko me mwan ika pwe use kan tongeni tori ai appointment.
- Ngang upwene asinei ngeni WIC ren ekkena napenon siwin kena ina repwene fis usun chok porausen kokoriei, siwinin it kena me pwan siwinin tumunun iseis kena ren semirit kena fan ai tumun ina ir ra kan angei angangen aninis in WIC kena.
- Ngang upwene fofor ngeni chon angangen WIC kena, chon angangen non sitowan mongo, me pwan neni fiti etiwafichi me pwan asomwonieochu. Uwa weweiti pwe ngang, ika ekkena seni nei chon tipweniei kena, ra tongeni nusunano ai aninis mongo kena seni WIC pokiten ren ar kapasengaw, anuwenuw, anuwokus ika afeiengawen inis in emon chon angangen WIC, pwan emon noun WIC aramas ika chon angangen sitowan mongo.
- Ngang upwene moni chok ekkewe mongo ra apunguno ra maaketiw won neiwe maaketiwen aninis mongo WIC fiti ewe katon eWIC ra ngeniei.
- Ngang upwene eaea mongo WIC kena ren ewe chok aramas won ewe program. Ngang uwa weweiti pwe ekkei mongo WIC ra kan kaworeno ren ar repwe pesei me pwan anisi ewe eochunon amongo ren ena aramas me pwan ren an epwe anisi an epwe tori ewe mongo ren auchean eochun mongoechoch kena ika mongo ra peseiir.

- Ngang usapw akasiwinino, amomo, amwetano ika asiwin fengen, ika satuni ai upwe akasiwinino, amomo, amwetano ika asiwin fengen, ekkena mongo/formula ika aninis kena ra katowow ngeniei. Ngang usapw mut ngeni ekkena pwan ekkoch aramas ren ar repwe akasiwinino, amomo, amwetano ika asiwin fengen, ika awora ai upwe akasiwinino, amomo, amwetano ika asiwin fengen, ekkena mongo/formula ika aninis kena ra katowow ngeniei.
- Ngang upwene iseni meinisin risiten sitowa kena ren wunungat maram ren mongo ika formula ina ngang uwa kamo fiti moni kena resapw seni WIC ina ra kan weweno chok ngeni ekkena ra katowow seni WIC ika pwe ngang uwa mochen ai upwe amomoni, akasiwini ika ngeni io ese nifinifin ekkei mettoch. Ei a kan ren ai upwe tongeni pwarata pwe ir rese kan kamono fiti nei monien WIC kena.

Ren emon Chon Fitinong non WIC ngang uwa weweiti pwe:

- Ngang upwene kan aeoeo non ewe sopwenon rne ewe fansoun afateno me pwan upwene checheki sefani ren ani nafeno ngeni ewe program.
- WIC ese kan awora meinisin ekkewe mongo ika formula ka mochen non ew maram pokiten WIC a kan chok ew programen asopwesopweno.
- Ika pwe use kan angei katowowun aninis mongo kena ren ruwanu teteninon maram kena, iwe ngang upwene katowow seni ewe program.
- Ewe Department of Health and Human Services (HHS) epwene mutata ewe nounou fengenin ren ai porausen WIC fiti afatenon programen safei me pwan sukun kena. Ekkei program repwene nounou ei poraus ren ar repwe finata ai nafeno ren ar program kena, awora ngeniei fiti poraus usun ekkena program me pwan ren ar repwene fori ewe foforun aeoeo an epwene mecheresino; ren ar repwene anapano ai safei, sukun, ika pechakuneno ika pwe ngang uwa fen kan tonong non ar program kena; me pwan tumunu pwe ai mochenin tumunun safei ngen ra kan fen torir. Ei poraus epwene nounouno seni ofesin WIC kena me pwan mwichen aramas meinisin kena non ewe katowowun ren ar program kena ina ra kan anisi aramas kena ra nafeno ren ewe WIC Program. Ngang uwa weweiti pwe HHS epwene pwan mutata ewe nounou fengenin ren ai porausen WIC usun ar repwene fofori ika mutata seni annukun federal ika state. Uwa tongeni tungor ren ew maaketiven ren HHS program kena ina ai porausen WIC epwene nounouno ngenir usun sa kuuna non ewe Annukun WIC "Pinepinenon ren Porausen Chon Fitinong."

Ngang ra fen afanefana ngeniei usun ai pung kena me pwan met kena upwene fofori me fan ewe Program. Ngang uwa afatano pwe ewe poraus uwa fen aworano ren finitan ai nafeno a kan wenechar, seni eochun ren ai sinei. Ei taropwen afateno a kan uwanong non achungeni ewe angaiin ren aninisn Federal. Chon Angangen program kena repwene afatano poraus kena won ei taropwe. Ngang uwa weweiti pwe ai pusin fofori ew mei mwaan ika porausen awenewenengaw ika pusin tipweningawei, ewupano, ika amwochu poraus mei pung kena epwene punguno non moni ngeni ewe ofesin State, non moni, ewe mon ren ekkewe aninis mongo ra kan mwanino katowowur ngeniei me pwan epwene fofor ngeniei ngeni kapungunon mwichen aramas ika katan annuk me fan annukun State me pwan Federal.

Iten ewe Chon Fitinong non WIC a afateno ikenai: _____

Sainin chon fitinong/sam me in/Chon Tumun: _____

Ranin: _____

A kan seni annukun Federal kena ren pungun aramas meinisin me pwan U.S. Department of Agriculture (USDA) annukun pungun aramas meinisin kena me pwan foforan kena, ei ofes a kan pinepin seni koput anonganong won sakkun aramas, anuwen aramas, ia ra etto me ie, met ir mwan ika fefin (mi pachenong met sakkun ir ra mochen me pwan ika ra sani mwan ika fefin), terir, ierir, ika aniwin ngeni ika ponungaw ngeni ren foforan ren pungun meinisin me mwan.

Porausen Program epwene kan kawor non fosun fonu kena me nukun kapasen Merika. Aramas kena fiti terir kena ir repwene kan mochen sakonon kakapas fengen ren porausen program (awewe Braille, watten maak, teipen poraus, American Sainin Fosun fonu), repwe kan kokori ofes epwe kan wisen non state ika ofes non neniach ika a kan atowowu ewe program ika an USDA we TARGET Center non (202) 720-2600 (kapas me TTY) ika kori USDA seni non ewe Federal Relay Service non (800) 877-8339.

Ren eom kopwe fileni ew angingin koput non ewe program, emon Chon Angingi epwene kan awasano echo Taropwen AD-3027, USDA Program Discrimination Complaint Form, ina ra tongeni angei online non: <https://www.usda.gov/sites/default/files/documents/ad-3027.pdf> seni ekkena USDA office, seni ar kokori (866)632-9992 ika seni ar maakei echo tarpwe addresseno ngeni USDA. Ewe taropwe epwe kan awora iten ewe chon angingi, address, nampan fon, me pwan echo maaken porausen ewe ita foforan koput non napenon tichikin ren an epwe aronga ngeni ewe Assistant Secretary for Civil Rights (ASCR) usun napenapen me pwan ranin ewe ew ita katan pungun meinisin. Ewe awasinon taropwen AD-3027 ika taropwe epwe kan katonong ngeni USDA me mwan:

- (1) Taropwen Posto: U.S. Department of Agriculture Office of the Assistant Secretary for Civil Rights 1400 Independence Avenue, SW Washington, D.C. 20250-9410; ika
- (2) Fax: (833)256-1665 ika (202)690-7442; ika
- (3) Email: program.intake@usda.gov

Ei ofes ii a kan ew nenien awora wewefengenin attun angang.